



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Benedicti XIV. ab Anno 1752. usque ad  
Annum 1757 - Cum Appendice ad Annos 1744. 1745. 1748

**Luxemburgi, 1758**

IV. Abbatia Fuldensis in Episcopatum erigitur, cum omnibus juribus, &  
prærogativis, præservato tamen statu Regulari; ita ut idem Episcopus, &  
Abbas Fundensis sit, & nuncupetur. 5. Octobris.

---

[urn:nbn:de:hbz:466:1-74789](https://nbn-resolving.org/urn:nbn:de:hbz:466:1-74789)

hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud S. Mariam Majorem Anno Incarnationis Dominicæ millesimo septingentesimo quinquagesimo secundo, Kalendis Octobris, Pontificatus Nostri Anno Tertiodecimo.

*Expedita in Cancellaria Apostolica.*

IV.

Abbatia Fuldenfis in Episcopatum erigitur, cum omnibus juribus, & prærogativis, præservato tamen statu Regulari; ita ut idem Episcopus, & Abbas Fuldenfis sit, & nuncpetur.

### BENEDICTUS EPISCOPUS,

*Servus Servorum Dei, Ad perpetuam rei memoriam.*

Summi Pontificis est Sedes Episcopales erigere, cum Ecclesiæ dignitas & divini cultus ratio id postulant.

**I**n Apostolica Dignitatis apice, Divina sic disponente voluntate, cui obediunt omnia, meritis licet imparibus, constituti, omnes Domini Agri partes, quasi de montis vertice, inspicimus, ac speculamur, ut quid Ecclesiarum omnium conditioni, decori, & firmamento conveniat, dijudicemus: Eaque propter, Decessorum Nostrorum vestigiis inherentes, novas quandoque plantare, atque erigere Episcopales Sedes, quandoque vero Monasteria insignia, servata tamen in eis Regulari observantia, Episcopali dignitate & honore condecorare oporturum ducimus, ut uberior inde Domini Agri cultus & messis existat, ac Monasticus Ordo clarius florescat, pax ac concordia cum finitimis servetur, & quod potissimum est, Catholica Fidei nomen in Civitatibus, in quibus Illustres Personæ resident, splendidius appareat, illarumque Præfules dignioribus titulis illustrentur, & condignis favoribus attollantur.

Recensentur insignes prærogativæ Abbatie Fuldenfis.

**§. 1.** Cum itaque, sicut accepimus, insigne Monasterium, Abbatia nuncupatum Fulden. Ordinis Sancti Benedicti, a Sancto Bonifacio in Bucunia fundatum, Sedi Apostolicæ immediatè subiectum, quod suam Civitatem, cum Seminario Alumnorum, ac Academia Studii Generalis inibi existentibus, ac Territorium separatum, quamplurima Loca, Præposituras, & Oppida, cum nonnullis Sæcularibus, & Collegiatis Ecclesiis, ac non exiguo Parochialium Ecclesiarum circumquaque positarum numero, sub se continens, habet, & in quo abundantissimus Monachorum, sub una eademque Disciplina, & Regulari Observantia alitur numerus, ex quibus tendenti ad minimum quotidiana Divina Officia, tam in Choro, quam intra Ecclesiam sacra peragendo, laudisque Deo persolvendo, peculiari frequentia peragunt, ac decore, & cujus Monasterii fructus, redditus, & proventus ad trecentum viginti florenos in Libris Camere Apostolicæ taxati reperiuntur; ejusdemque Monasterii Abbatis (qui etiam, sicut pariter accepimus, Sacri Romani Imperii Princeps, ac Charissimæ in Christo Filie Nostre Mariæ Theresiæ, Hungariæ, & Bohemiæ Reginæ Illustris, Charissimi in Christo Filii Nostri Francisci Romanorum Regis in Imperatorem electi uxoris, ac etiam pro tempore existentis Romanorum Imperatricis Archicancellarius, ac per Germaniam, & Galliam Primas existit, quique jurisdictionem quasi Episcopalem, tam in Civitate præfata, quam toto Territorio, aliisque sibi subiectis Locis, Præposituris, & Oppidis præfatis, non tamen in eis, quæ sunt Ordinis, exercet) electio ad pro tempore existentes quatuordecim ejusdem Ordinis expressè professos Monachos Ca-

pitulares tantum, videlicet Decanum, qui etiam Præpositus S. Andree in Monte novo nuncupatus prope Fuldam, ac prima post Abbatialem Dignitas existit, & continuo in Præpositura ejusdem Sancti Andree dicti Ordinis eidem Monasterio contigua residet, ac octo Præpositos in aliis octo Monasteriis, seu Præposituris ejusdem Ordinis, a primodictio tamen Monasterio dependentibus, in locis distitis extra primodictum principale Monasterium degentes, eisque præfidentes, atque in contubernio sociorum Regularium, præter spiritualia Officia, annexam jurisdictionem, nomine atque auctoritate Abbatis Fuldenfis, administrantes, necnon alios quinque præfati Ordinis respectivè Monachos Capitulares, non tamen Præpositos, quorum ex eis unum Regularis Discipline, ac Chori in Monasterio primodictio Præsidentem Capitularem, ac semper apud præfatum Decanum, reliquos verò quatuor Monachos Capitulares, & non Præpositos, continuo una cum ipsis Præpositis, tanquam eorum socios & commensales, cum debita tamen erga eos reverentia & subiectione, respectivè commorantes & permanentes, Concordatis Germaniæ inibi vigentibus, spectat & pertinet, quamplurimis propterea eximii gaudebat prærogativis.

**§. 2.** Nos igitur attentis tot tantisque, quibus Monasterium primodictum eminet meritis, illius Abbatialem Ecclesiam in Cathedralam, & Episcopalem, ut infra, erigere cupientes, Motu proprio, non ad alicujus super hoc oblatæ petitionis instantiam, sed ex certa scientia, meraque deliberatione Nostri, deque Apostolicæ potestatis plenitudine, Ecclesiam Abbatialem præfata, firmis tamen semper in ea remanentibus, inibi semper vigentibus omni statu, qualitate, denominatione, & omnimoda essentia Regularibus; ita ut impoierum, ut prius, Regularis nunquam esse desinat, in Cathedralam, & Episcopalem, quæ ut antea Sedi Apostolicæ immediatè subiecta, ac Regularis existat, Ecclesiam, Apostolica auctoritate, tenore præsentium, perpetuo erigimus & instituimus, ac nomine, titulo, & honore Episcopali decoramus, ac pro tempore existentes primodicti Monasterii Abbates, in veros Præfules, & Episcopos Fulden. declaramus; nec non quod pro tempore existens ejusdem Ecclesiæ per Nos, ut præfertur, in Episcopalem erectæ Episcopus, semper imposterum non tantum Episcopus, & Abbas Fuldenfis denominari, sed etiam verus ejusdem Ecclesiæ Episcopus cum omnibus insignis Episcopalis, privilegiis, honoribus, & prærogativis Episcopis debitis, & concessis, ac juribus, & jurisdictionibus in Clerum Sæcularem, & Regularem, ac populum tam Civitatis præfate, quam totius Territorii, ac Ditionis, & Diocesis Fulden., & facultatibus, præeminentiis, gratis, favoribus, & indultis realibus, & personalibus, ac mixtis, quibus aliæ Ecclesiæ Episcopales, eorumque Præfules quomodolibet, non tamen titulo oneroso, seu ex indulto, aut privilegio particulari, utuntur, fruuntur, potiuntur, & gaudent, ac uti, frui, potiri, & gaudere possunt, & poterunt, verusque insimul Abbas Regularis Fuldenfis, cum omnibus suis Abbatialibus juribus, honoribus, præeminentiis, praelationibus, & prærogativis universis, quibus de præfenti gaudet, verè, realiter, & cum effectu existere, ipseque in Litteris Apostolicis tam gratiam, quam justitiam separatim, seu utramque mixtim concernendis, imposterum expediendis, Episcopi insimul & Abbatis Fuldenfis titulo, ac nomine decorari, ac vocari, sicque idem inscribi; quodque occurrente ejusdem Ecclesiæ in Episcopalem, per Nos, ut præfertur, erectæ, ac Monasterii primodicti vacatione, futurus illius Episcopus, & Abbas, nullo in ejus electione innovato ordine, eodem modo & forma, ut prius, per dictos Decanum, & alios tredecim Monachos

Propter quas in Episcopatum erigitur, integro tamen manente Regulari statu.

Nec non eligentium jure, ac electionis forma.

1752.

1752.

Aden ut uno electionis actū Fuldenſis Episcopos, & Fuldenſis Abbas eligatur.

Capitulares præfatos, qui tantummodo vocem activam, & passivam in electione præfata, ut prius, habere possint, eligi:

§. 3. Ita tamen, ut sequuta, ut præferatur, ejus in primodiſti Monasterii Abbatem Canonica Electione, etiam Episcopus Fuldenſis electus remaneat, ac propterea Confirmationem electionis præfate, ut prius, una cum provisione Ecclesiæ Episcopalis per Nos, ut præferatur, erectæ, ac Monasterii Fuldenſis, a Sede Apostolica petere, & obtinere respectivè debeat, & teneatur: Cum hoc etiam, quod uti Episcopus & Abbas Fuldenſis, jurisdictionem suam Episcopalem inſimul & Abbatialem Diœceſanam in eisdem Locis, Ecclesiis, & Personis, ac præfato Clero tam Seculari, quam Regulari, ad præſens Territorio Fuldenſi ſubjectis, & juxta Concordiam inter Venerabilem Fratrem Noſtrum Carolum Philippum modernum Episcopum Herbipolenſem, ac Dilectos Filios Capitulum, & Canonicos Ecclesiæ Herbipolenſis ex una, & Venerabilem etiam Fratrem Noſtrum Amandum Episcopum Themiscirenſem in partibus Infidelium, & modernum primodiſti Monasterii Abbatem, quem propediem ad præfata Ecclesiam Fuldenſem per Nos in Episcopalem, ut præferatur, erectam transferre intendimus, ac Dilectos quoque Filios Capitulum Regulare primodiſti Monasterii ex altera partibus initam, & nuper per Nos Apostolica auctoritate præfata approbatam, & confirmatam, salva tamen & illæſa ſemper remanente precedentia, favore præfati moderni, & pro tempore existentis Episcopi Herbipolenſis, illiusque Sedis Episcopalis, eis, uti antiquioribus, debita, exerce-re valeat, ac firma etiam permanente præfata taxa florenorum trecentum viginti in Libris Camere Apostolicæ, ut præferatur, descripta, quam unicam tantum in Litterarum Apostolicarum Episcopalis, & Abbatialis Ecclesiæ hujusmodi provisionis, & confirmationis electionis, deſuper conficienda expeditione, imposterum perſolvi, illamque nunquam ratione præfate erectionis ejuſdem Ecclesiæ in Episcopalem per Nos, ut præferatur, factæ augeri poſſe volumus, Motu pari, dicta Apostolica auctoritate, earundem tenore præſentium decernimus.

Episcopium, Cathedralis, & Capitulum Regulare designatur.

§. 4. Quodque Episcopium, pro Episcopi, & Abbatis Fuldenſis pro tempore existentis residentia, & habitatione, idem exiſtat Monasterium, aut Palatium, quod usque num ab Abbate Fuldenſi habitum fuit, & ad præſens inhabitatur, & inhabitari solet, Motu simili etiam declaramus. Pro Cathedrali verò Ecclesia, ut eadem Principalis primodiſti Monasterii, sub antiqua SS. Salvatoris Invocatione, Ecclesia habeatur, & in ea Capitulum, nec in minimo immutata ejus Regularitate, & denominatione Capituli Regularis, solum ex præfatis quatuordecim, vel quindecim, quatenus alium Monachum ejuſdem Ordinis eidem numero, ut infra, augeri contigerit, Capitularibus, non autem aliis non Capitularibus, & extra præfatum numerum ejuſdem Ordinis respectivè Monachis, videlicet Decano, cujus Decanatus prima & unica in præfata Ecclesia Dignitas Regularis exiſtat, ac cujus, dum illa pro tempore vacat, electio ad prædiſtum Abbatem, & reliquos Capitulares tantum Monachos præfatos, ut prius, spectare debeat, ac eisdem octo Præpositis, necnon quinque, aut sex, si alium Monachum non Capitularem dicti Ordinis expreſſe proſeſſum per pro tempore existentem Episcopum, & Abbatem Fuldenſem (ad quem ſemper, ut antea, spectet electio tam præfatorum octo Præpositorum, quam aliorum quinque, vel sex Capitularium Monachorum præfatorum) eidem numero Capitulari augeri contigerit; cum hoc tamen, quod tam præfati Decani, quam præfatorum Monachorum Capitularium vestes Regulares, & Monastica exiſtant, illasque Decanus, &

alii Monachi Capitulares præfati, juxta earum Regularem professionem, gestare teneantur, componi tantummodo debeat; Quodque Capitulum præfatum, tempore Sedis Episcopalis, & Abbatialis vacantis, usque dum ad electionem novi Episcopi & Abbatis devenit fuerit, non tantum de Monasterio, sed de tota Civitate, & Diœceſi Fuldenſi Gubernium ſumat, Motu pari etiam decernimus.

§. 5. Ad hoc autem ut ipsi Ecclesia per Nos in Episcopalem, ut præferatur, erectæ splendidiore decore inserviat, ipsarum tenore præſentium mandamus, quod ultra Monachos continuo in primodiſto Monasterio, juxta ejuſdem primodiſti Monasterii regulas, & præcepta, ut prius, recipiendos, inibique habitantes, & residentes, qui, ut prius, quotidie ejuſdem Ecclesiæ Chori ſervitio, aliisque arbitrio Episcopi & Abbatis Fuldenſis pro tempore existentis præfati functionibus sacris peragendis obligati exiſtant; Decanus pro tempore exiſtens præfatus, una cum uno ex dictis quinque, aut sex Capitularibus, non tamen Præpositis Monachis, ut antea, continuo apud eandem Præposituram S. Andreæ reside-re, octo verò Præpositi pro tempore exiſtentes præfati, ultra residentiam in præfata Ecclesia in quatuor, & forſan ultra, anni diebus, per eos, ut prius, fieri ſolitam; quinque ex eisdem octo Præpositis præfatis alternatim per integrum menſem quolibet anno; reliqui autem quatuor, vel quinque Monachi Capitulares pro tempore exiſtentes hujusmodi, etiam alternatim per integros sex menſes (nisi aliter tam quoad octo Præpositos, quam alios Capitulares non Præpositos Monachos præfatos, super Residentia hujusmodi, ab Apostolica Sede diſpoſitum fuerit) eorum respectivè residentiam apud eandem Ecclesiam adimplere respectivè teneantur.

§. 6. Pro Pœnitentiarii verò & Theologi respectivè munere, ad formam Concilii Tridentini, in præfata Ecclesia explendo, ex eo quod nullus ex præfatis octo Præpositis, ac reliquis Capitularibus Monachis præfatis, attenta eorum in Præposituris præfatis permanentia, munus præfatum adimplere poſſet, ipsarum tenore præſentium volumus, quod pro tempore exiſtens Episcopus & Abbas Fuldenſis, duos, non tamen Capitulares, præfati tamen Ordinis expreſſe proſeſſos, in primodiſto Monasterio, ac apud eandem Ecclesiam continuo degentes, & residentes Presbyteros Monachos idoneos, quorum unus Pœnitentiarii, alter verò Theologi respectivè munus præfatum, ad formam præfati Concilii, exerceant, designare debeant.

§. 7. Ulteriori modernis, ac pro tempore exiſtentibus Decano, & octo Præpositis tantum (qui una cum aliis præfatis Capitularibus Monachis peculiari Inſigni Aureæ Crucis è collo gestandæ, ex concessione felicitis recordationis Clementis Papæ XII. Prædeceſſoris Noſtri, gaudent) ut ipsi Decanus, ac octo Præpositi tantum, Mitra, & Annulo, toties quoties pro tempore exiſtenti Episcopo, & Abbati Fuldenſi præfato Pontificalia exercenti aſſiſtentiam præſtabunt, uti, frui, potiri, & gaudere liberè, & licitè poſſint, & valeant, eadem Apostolica auctoritate, earundem tenore præſentium, etiam perpetuo concedimus & indulgemus.

§. 8. Præſentes quoque Litteras ſemper & perpetuo validas & efficaces eſſe & fore, nec ullo unquam tempore de ſubreptionis, vel obreptionis, aut nullitatis, ſeu invaliditatis vitio, vel intentionis Noſtræ, aut alio quovis defectu, notari, impugnari, invalidari, ſeu in Jus vel controverſiam vocari, aut adverſus illas quodcumque Juris, vel facti, aut gratiæ, vel juſtitia remedium impetrari poſſe, nec illas ſub quibufvis ſimilium, vel diſſimilium gratiarum revocationibus, ſuſpenſionibus, limitationibus, derogationibus, aut

Residentia per Capitulares quomodo præſtanda.

Pœnitentiarii, & Theologi munus quibusnam demandandum.

Decano, & Præpositis conceditur. uſus Mitre, & Annuli, dum Episcopo Abbati Pontificalia exercenti aſſiſtunt.

Claufula, & Decreta.

alii

aliis contrariis dispositionibus, etiam per Nos, & Sedem Apostolicam præfatam, sub quibuscumque tenoribus & formis, ac cum quibusvis clausulis, & decretis, etiam Motu simili, etiam consistorialiter, pro tempore factis, vel faciendis, comprehendi, vel confundi, sed semper ab illis excipi, & quoties illæ emanabunt, toties in pristinum, & validissimum statum restitutas, repositas, & plenariè reintegratas, ac de novo etiam sub quacumque posteriori data, quandocumque eligenda, concessas, validasque fore & esse, suosque plenarios & integros effectus sortiri, & obtinere; & sic ab omnibus censei, & ita per quoscumque Judices, Ordinarios, vel Delegatos, etiam Causarum Palatii Nostri Apostolici Auditores, ac Sanctæ Romanæ Ecclesiæ Cardinales, etiam de Latere Legatos, Vicelegatos, dictæque Sedis Nuncios, & quoslibet alios quavis prærogativa, & privilegio fungentes, ac honore, & præminencia fulgentes, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiri debere, & quidquid fecus super his a quoquam quavis auctoritate scienter, vel ignoranter contigerit attentari, irritum & inane Motu pari similiter decernimus.

Derogatur  
contrariis.

§. 9. Non obstantibus quibusvis etiam in Synodalibus, Provincialibus, Generalibusque Conciliis editis, vel edendis specialibus, vel generalibus Constitutionibus, & Ordinationibus Apostolicis, ac primodicti Monasterii, & Ordinis præfati, etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, Indultis, & Litteris Apostolicis, quibusvis Superioribus, & personis, sub quibuscumque tenoribus, & formis, ac cum quibusvis etiam Derogatoriis Derogatoriis, aliisque efficacioribus, efficacissimis, & insolitis Clausulis, irritantibusque, & aliis Decretis, etiam Motu simili, ac etiam consistorialiter, ac alias etiam quomodolibet, etiam pluries concessis, confirmatis, approbatis, & innovatis: Quibus omnibus & singulis, etiam si de illis, eorumque totis tenoribus, specialis, specifica, expressa, & individua mentio habenda, aut aliqua alia exquisita forma ad hoc servanda foret, eorum tenores, ac si de verbo ad verum, nihil penitus omisso, & forma in illis tradita observata, inserti forent eisdem præfatis, pro expressis habentibus, illis alias in suo robore permanens, ad præmissorum omnium, & singulorum validitatis effectum, hac vice dumtaxat specialiter, & expressè, ac latissimè, & plenissimè, Motu pari derogamus, cæterisque contrariis quibuscumque.

Sanctio poe-  
nalis.

§. 10. Nulli ergo omnino Hominum liceat hanc paginam Nostrarum erectionis, institutionis, declarationis, decreti, concessionis, mandati, voluntatis, ac indultis, & derogationis infringere, vel ei ausu temerario contraire: Si quis autem hoc attentare præsumperit, indignationem Omnipotentis Dei, ac BB. Petri & Pauli Apostolorum ejus, se noverit incursum.

Dat. 5. Oc-  
tobris 1752.

Datum Romæ apud Sanctam Mariam Majorum Anno Incarnationis Dominicæ Millesimo septingentesimo quinquagesimo secundo, tertio Nonas Octobris, Pontificatus Nostri Anno Terdecimo.

*Expedita in Cancellaria Apostolica.*

Herbipolensis Episcopus honorificis prægestandæ sibi Crucis, usque Pallii prærogativis honestatur, sub certis modis, ac conditionibus.

V.

BENEDICTUS EPISCOPUS

SERVUS SERVORUM DEI.

*Ad futuram rei memoriam.*

ROMANA Ecclesia, omnium Ecclesiarum Mater & Magistra, concessum sibi a cælesti sponso Jesu Christo supremum auctoritatis & dignitatis principatum, ita semper in omnes Catholici Orbis Ecclesias obtinuit, ut tamen pro locorum, ac temporum, personarumque conditionibus, egregiis earum Pastoribus, nunc amplioris jurisdictionis suæ partem aliquam sustinendam, exercendamque communicaverit, nunc autem eximias honoris prærogativas indulserit, prout ad Dei gloriam, & fidelium populorum utilitatem promovendam, & ad Catholicæ Religionis integritatem, majestatemque tuendam, Romanis Pontificibus ejusdem Jesu Christi Vicariis, & Beati Petri Apostolorum Principis Successoribus, visum est in Domino salubriter expedire.

Procedium.  
Provida S.  
Sedis in Juris-  
dictione, &  
honoribus dis-  
tribuendis ad-  
ministratio

§. 1. Porro inter præcipua Sacerdotalis honoris insignia, quibus diversa per Orbem Ecclesiæ, earumque Antistites, ab Apostolica Sede decorari meruerunt, & Sacri Pallii usus, & jus præferendi Sanctissimæ Crucis signi meritò numerantur. Illud siquidem a Romano Pontifice, vel ex ejus auctoritate dumtaxat, solemniter benedictum, & prope Corpus Beatissimi Apostolorum Principis religiosâ curâ adservatum, indeque ad enixas postulantium Antistitem preces desumptum, si cui utendum, induendumque conceditur, peculiare quoddam sacri fœderis vinculum inter ipsum, & Romanum Pontificem, ejusdem Beati Petri Successorem, specialis sacramenti interpositione firmatum significat: Cumque ipsum Pallium ex ovium velleribus contextum, sacri Pastoris humeris gestetur, ovis illius speciem repræsentat, quam Dominus aberrantem requisivit, inventamque humeris suis sustulit; ut Episcopus, qui Christi typum gerit, ejusque munere fungitur, ipso etiam habitu illius boni Pastoris imitatore se exhibeat, qui ovium suarum infirmitates, admirando pietatis & misericordiæ excessu, portavit. Crucis autem erectæ delatio, non solum Pastoralis Officii vim auctoritatemque ostendit, ex illius potestate derivatam, qui crucifixus ex infirmitate, sed vivens ex virtute Dei, Ministros suos contra omnes adversarias potestates invictæ Crucis signo armavit: verum etiam ipso sui conspectu Episcopalis prædicationis summam fidelibus populis ob oculos ponit, sublatoque ad eorum solamen Fidei nostræ vexillo, æternæ salutis spem credentibus ingerit.

Jus præferen-  
dæ Crucis, &  
Pallii usus;  
præcipua ho-  
noris Pontifi-  
calis insignia.

Ritus servari  
solutus in  
concedendo  
Pallio, hujus-  
que mystica  
significatio.

§. 2. Cum itaque Herbipolensis Ecclesia Provincia Moguntinæ in Superioris Germaniæ partibus constituta, jam usque ab octavo Ecclesiæ sæculo per Sanctum Burchardum Episcopum ex auctoritate Apostolicæ Sedis fundata & erecta, singularibus prærogativis ditata, amplissimaque Diocesi jura dans, plurium egregiorum Antistitum, aliorumque, ex conspicuo, ac numerofo Capitulo, & Clero, insignium Virorum virtute, admodum illustrata fuisse dignoscatur: nunc autem existens Venerabilis Frater Carolus Philippus Herbipolensis Episcopus suorum illam ornare pergat præstantia meritorum, pluribusque editis erga Nos, & Apostolicam Sedem, fidei, & observantia argumentis, amplioribus Pontificiæ liberalitatis favoribus se dignum exhibeat: Nos, attentis præmissis, & præsertim quod

Herbipolen-  
sis Ecclesiæ  
amplitudo, e-  
jusque Anti-  
stitem, Capi-  
tuli, & Cleri  
decora.

Speciale Epif-  
copi nunc ex-  
istentis meri-  
tum in con-  
cordia cum  
Abbate Ful-  
deni inita.